

Maklumat Am Kempen Air Selangor X Inside Scoop

1. Kempen Air Selangor x Inside Scoop ("**Kempen**") dianjurkan oleh Pengurusan Air Selangor Sdn. Bhd. ("**Air Selangor**").
2. Kempen ini akan bermula pada **26 Jun 2023** dan berakhir pada **31 Ogos 2023** ("**Tempoh Kempen**"). Sebarang penyertaan yang diterima sebelum jam 12.00 tengah malam pada 26 Jun 2023 dan selepas jam 11.59 malam pada 20 Ogos 2023 tidak akan diterima.
3. Air Selangor berhak untuk melanjutkan, menukar atau menangguhkan Kempen ini tanpa sebarang notis terlebih dahulu. Semua peserta hendaklah mematuhi terma dan syarat Kempen ini sekiranya Kempen ini dilanjutkan, diubah atau ditangguhkan atas apa jua sebab sekalipun, melainkan dinyatakan sebaliknya.
4. Air Selangor berhak atas budi bicaranya sendiri, untuk mengubah, menambah, menukar, membuang atau meminda mana-mana terma dan syarat Kempen ini tanpa sebarang notis terlebih dahulu.

Kelayakan Am

1. Kempen ini terbuka kepada semua pengguna domestik Air Selangor (Kod 10) berumur 18 tahun dan ke atas yang telah mendaftar untuk e-Bil buat pertama kali sepanjang Tempoh Kempen.
2. Individu berikut adalah **tidak layak** untuk menyertai Kempen ini:-
 - Pengguna Air Selangor yang telah mendaftar untuk e-Bil sebelum Tempoh Kempen;
 - Pekerja Air Selangor;
 - Pengguna Air Selangor yang mempunyai bil air tertunggak; dan/atau
 - Individu yang gagal membuat bayaran bil air melalui aplikasi mudah alih Air Selangor.

Syarat-Syarat Penyertaan

1. Untuk mengambil bahagian, individu yang layak mestilah mengikuti langkah-langkah berikut:-
 - **Langkah 1** : Muat turun aplikasi mudah alih Air Selangor.
 - **Langkah 2** : Daftar e-Bil melalui aplikasi mudah alih Air Selangor, laman web atau kaunter perkhidmatan.
 - **Langkah 3** : Membuat pembayaran bil air melalui aplikasi mudah alih Air Selangor.
2. Jika seseorang itu mempunyai lebih daripada 1 akaun bekalan air di bawah satu penama dan kad pengenalan yang telah didaftar sepanjang Tempoh Kempen, maka hanya 1 akaun sahaja yang layak untuk menyertai Kempen ini.
3. Pendaftaran yang tidak lengkap dan/atau kegagalan untuk mematuhi mana-mana terma dan syarat Kempen ini akan menyebabkan penyertaan dalam Kempen ini terbatal secara automatik tanpa sebarang notis terlebih dahulu.

Pemilihan Pemenang

Pemenang akan dipilih berdasarkan kriteria berikut:-

- **Peringkat 1:** Pendaftaran e-Bil baharu.
- **Peringkat 2:** Pengguna aplikasi mudah alih Air Selangor baharu dan sedia ada.
- **Peringkat 3:** 10,000 pengguna Air Selangor yang pertama yang membuat pembayaran bil air melalui aplikasi mudah alih Air Selangor sepanjang Tempoh Kempen.
- **Peringkat 4:** Tiada tunggakan bil air.

Syarat-Syarat Hadiah

1. Pemenang akan menerima hadiah berbentuk baucar dan baucar tersebut boleh ditebus di mana-mana cawangan Inside Scoop di Malaysia **KECUALI** cawangan berikut:-
 - Inside Scoop @ B.I.G Publika.
 - Inside Scoop @ B.I.G IPC Shopping Center.
2. Baucar tersebut mesti ditunjukkan semasa penebusan.
3. Baucar tersebut hanya boleh ditebus sekali bagi setiap transaksi.
4. Baucar tersebut tidak boleh dijual dan tidak boleh ditukar dengan wang tunai.
5. Baucar tersebut tidak sah untuk digunakan bersama dengan tawaran dan promosi lain.
6. Pembelian satu senduk aiskrim yang pertama adalah pada harga runcit.
7. Nilai satu senduk aiskrim percuma tersebut hendaklah lebih rendah atau sama dengan harga pembelian satu cedok aiskrim yang dibeli terlebih dahulu.
8. Baucar tersebut sah sehingga 19 Oktober 2023 sahaja.

Terma dan Syarat Am

1. Dengan menyertai Kempen ini, peserta telah membaca dan memahami terma-terma Dasar Privasi Air Selangor ("**Dasar Privasi**") dan dengan ini bersetuju bahawa data peribadi peserta akan diproses mengikut Dasar Privasi. Dasar Privasi boleh dirujuk di <https://www.airselangor.com/privacy-notice/>
2. Dengan menyertai Kempen ini, peserta bersetuju untuk menyetujui sebarang liabiliti, kerugian, hak untuk ganti rugi dan apa-apa jenis tuntutan dan tindakan berpunca daripada penerimaan, pemilikan, penggunaan atau penyalahgunaan baucar, atau sebarang aktiviti yang berkaitan dengan hadiah, tidak terhad kepada, kecederaan, kematian dan kerosakan harta benda.

3. Sebelum menyertai Kempen ini, peserta adalah bertanggungjawab dalam memastikan maklumat dan butirannya dikemas kini dengan tepat melalui laman web Air Selangor.
4. Penyertaan lewat selepas tamat Tempoh Kempen tidak akan diterima. Sebarang rayuan tidak akan dilayan.
5. Air Selangor tidak bertanggungjawab ke atas sebarang penyertaan lewat atau hilang berpunca daripada penggunaan internet dan/atau lain-lain isu teknikal.
6. Air Selangor tidak bertanggungjawab ke atas sebarang penyertaan yang tidak layak atau penyertaan yang dibuat secara penipuan.
7. Air Selangor berhak untuk, atas budi bicaranya sendiri, membatalkan kelayakan mana-mana pemenang yang dipilih jika terdapat sebarang pelanggaran terma dan syarat Kempen ini. Air Selangor juga berhak untuk membatalkan penyertaan palsu atau penyertaan yang disyaki palsu pada bila-bila masa sepanjang Tempoh Kempen.
8. Setiap pemenang hanya layak mendapat satu (1) baucar sahaja sepanjang Tempoh Kempen.
9. Keputusan Air Selangor dalam sebarang perkara berkaitan Kempen ini adalah muktamad. Sebarang rayuan atau semakan tidak akan dilayan.
10. Air Selangor berhak untuk mengubah, meminda dan/atau menukar proses, hadiah dan terma dan syarat Kempen ini, serta aspek lain Kempen ini sepanjang Tempoh Kempen tanpa sebarang notis awal.
11. Air Selangor, kakitangannya dan pihak lain yang terlibat dalam penganjuran Kempen ini tidak akan bertanggungjawab ke atas sebarang insiden berikut:-
 - (a) campur tangan pihak yang tidak terlibat sepanjang Tempoh Kempen;
 - (b) sebarang kesilapan teknikal yang berkaitan dengan pendaftaran dan penyertaan; dan
 - (c) sebarang kerugian secara langsung atau tidak langsung disebabkan oleh penyertaan peserta dalam Kempen ini.
12. Air Selangor berhak untuk membatalkan sebarang pendaftaran yang tidak selari dengan proses dan cara pengurusan Kempen ini, atau pelanggaran atau percubaan untuk melanggar mana-mana terma dan syarat Kempen ini.
13. Air Selangor berhak untuk menolak, menukar atau menggantung sebarang pendaftaran Kempen ini jika berlaku keadaan yang tidak dijangka dan/atau di luar kawalan.
14. Dengan menyertai Kempen ini, peserta telah bersetuju untuk sesi fotografi dan videografi bersama Air Selangor, dan membenarkan Air Selangor menggunakan hasil sesi fotografi dan videografi tersebut bagi tujuan promosi, pengiklanan atau bagi tujuan lain yang besesuaian. Air Selangor berhak untuk menerbitkan sebarang gambar, video atau butiran peserta dalam media cetak atau elektronik untuk tujuan promosi, pengiklanan, publisiti dan pengumuman

tanpa royalti dan/atau bayaran.

Peringatan: Terma dan syarat Kempen ini disediakan dalam bahasa Melayu dan Inggeris. Jika terdapat sebarang perbezaan antara kedua-dua versi, versi Bahasa Inggeris akan diutamakan. Untuk maklumat lanjut mengenai Kempen ini, anda boleh menghubungi Air Selangor melalui laman Facebook rasmi Air Selangor.